

Syor disediakan gelanggang sebagai tempat latihan silat

- 8 OCT 1977

10 OCT 1977

SAYA ingin merujuk tentang gesaan yang dibuat oleh Haji Ya'acob Mohamed (BH 27 September) supaya badan-badan silat di sini bergabung dengan Persisi. Saya kira gesaan itu patutlah dialukan.

Pada umumnya kalau dilihat secara kasar, badan-badan silat yang muncul sekarang ini sangatlah "content" dengan kegiatan-kegiatan silat mereka.

Pertunjukan - pertunjukan silat seperti silat cekak, kuntau

Melaka, silat hari-mau, silat seligi tunggal hanya akan dapat dilihat setahun sekali dalam masa Pesta Silat.

Selain dari menjadi tanggungjawab Persisi untuk menggabungkan badan-badan silat di sini, saya kira Persisi juga perlu menyediakan tempat sebagai gelanggang untuk berlatih.

Saya kira ketiadaan gelanggang seperti inilah yang menjadi salah satu sebab kegiatan silat di sini kurang maju.

Saya juga ingin mengesyorkan agar RTS dalam mengadakan siaran mengenai seni silat. Ini boleh memajukan lagi perkembangan silat di Republik ini.

Jamaludin Ismail
Toa Payoh
Singapore 12

Kelas silat di BR

BALAI Rakyat Toa Payoh akan menganjurkan kelas bersilat pada setiap Isnin dan Jumaat mulai bulan depan. Bagi keterangan lanjut, hubungi balai itu di Toa Payoh Central.

Ahli2 silat berpeluang tunjuk³ bakat di 'malam' ini

- 2 DEC 1977

BADAN - BADAN dan ahli-ahli silat di Kawasanundi kampung Chal Chee akan berpeluang menunjukkan bakat masing - masing dalam Malam Kebudayaan Pertandingan Silat 1977 yang akan diadakan pada 17 Disember ini.

Pertandingan silat anjuran Balai Rakyat Kaki Bukit itu terbahagi kepada tiga bahagian dan terbuka kepada semua penduduk dan badan-badan silat yang bergiat di kawasanundi tersebut.

Mereka yang berusia 16 tahun ke atas sesudah 1.12.77 akan disatukan dalam bahagian Belia. Mereka yang berusia ka bawah 16 tahun sebelum tarikh itu akan dimasukkan dalam bahagian Kanak-kanak.

Pertandingan bahagian Wanita dilangsungkan secara terbuka tanpa mengira peringkat umur.

Hadiah

Sesuatu badan atau orangramai yang berminat dibenarkan mengambil bahagian dalam ketiga-tiga regu itu tetapi anggotanya tidak boleh melebihi enam orang. Setiap regu dikenakan bayaran \$2.00.

Bertempat di Balai Rakyat Kaki Bukit pada 7.30 malam, 17 Disember, pertandingan itu dianjurkan dengan tujuan "mempererat siratulrahim antara kumpulan silat kawasanundi Kampung Chal Chee."

Hadiah - hadiah Piala Pusingan, Piala Kumpulan dan untuk regu Tangan Kosong, Bersenjata, Seni Jurus dan Pakaian dan diberikan kepada para pemenang dan setiap pasukan yang mengambil bahagian dimestikan mengikut syarat - syarat yang dikenakan oleh jawatankuasa pentadbirnya.

Balai tersebut merancang hendak menjadikan pertandingan tersebut sebagai pertandingan tahunan.

Borang - borang penyertaan boleh didapati dari balai tersebut dan tarikh penutup ialah 7 Disember ini. Pengundian akan diadakan pada 10 Disember jam 7.30 malam di balai tersebut.

Peraduan silat

112 DEC 1977

SEBANYAK empat buah kumpulan akan mengambil bahagian dalam peraduan silat anjuran jawatankuasa pentadbir Balai Rakyat Kaki Bukit pada 7.30 malam Sabtu ini, 17 Disember.

Keempat kumpulan itu terdiri dari Persatuan Bawean Singapura dengan silatnya Silat Cekak; Kumpulan Seni Silat Gayung Kumpulan Belia Balai Rakyat Kaki Bukit dengan Silat Gayung; Kumpulan Pertapis dengan Silat Gestapes dan Silat Hari-mau akan dipersembahkan oleh Badan Kesenian Melayu Singapura.

B. Rakyat Kaki Bukit anjur peraduan silat 1977

16 DEC 1977

BALAI Rakyat Kaki Bukit akan menganjurkan Malam Kebudayaan Pertandingan Silat 1977 di balainya mulai 7.30 malam esok.

Pertandingan itu hanya terbuka kepada kumpulan-kumpulan silat yang mempunyai tempat berlatih di dalam kawasanundi Chal Chee, juga mereka yang tinggal di situ saja.

Peraduan itu diadakan untuk menggalakkan dan mempertingkatkan lagi seni silat di Republik ini.

Setiap penyertaan dikenakan bayaran sebanyak \$2 bagi satu regu yang tidak melebihi enam orang.

Pertandingan itu terbahagi kepada tiga peringkat iaitu belia, mereka yang berusia 16 tahun ke atas, kanak-kanak, tidak melebihi enam tahun ke atas dan bahagian wanita pula adalah terbuka.

Hadiah-hadiah istimewa terdiri dari Piala Pusingan, Piala Kumpulan juga hadiah untuk regu Tangan Kosong, Bersenjata, Seni Jurusan dan Pakaian.

Adu silat

15 DEC 1977

Pertandingan silat bagi kawasanundi Chal Chee akan diadakan di balai rakyat Kaki Bukit mulai 7.30 malam esok.

Malam tanding silat

dapat
- 2 JAN 1978

Pencak silat

BALAI Rakyat Kaki Bukit baru ini telah menganjurkan sebuah Malam Kebudayaan Pertandingan Silat 1977 yang telah mendapat sambutan baik dari penduduk tempatan.

Malam Kebudayaan itu telah dirasmikan oleh Encik Daud Sirun, pengerusi Jawatankuasa Pengurus balai itu dan telah berlangsung dari 8.00 hingga 11.00 malam, 17 Disember lalu.

Mereka yang hadir telah berpeluang untuk menyaksikan berbagai jenis permainan silat oleh belia-belia secara berkumpulan.

Peraduan

Bagi peraduan Regu-Regu Terbaik bagi Bahagian 16 tahun ke atas adalah seperti berikut:

- Pakaian Tercantik - Seksi Seni Silat Hari-mau A
- Jurusan - Seksi Seni Silat Harimau A
- Bersenjata - juga oleh seksi silat yang sama.

Sementara bagi Bahagian 16 tahun ke bawah, keputusan adalah seperti berikut:

- Pakaian Tercantik - Seksi Seni Silat Harimau
- Tangan Kosong - Seksi Seni Silat Gayung
- Jurusan - Seksi Seni Silat Gayung
- Bersenjata - Seksi Seni Silat Harimau.

Seni silat

10 JAN 1978

PERSATUAN Muhammadiyah akan menganjurkan seni silat jika pihak pendaftar meluluskannya dalam masa yang singkat ini, demikian suara Muhammadiyah menyatakan.

PERTAPIS MAHU PERHEBAT USAHA TARIK BELIA BERIADAH

Pertapis akan menghebatkan lagi usaha menggalakkan para belia menyertai kegiatan-kegiatan riadah dan kegiatan lain yang mendatangkan faedah.

Beberapa rancangan kegiatan di bawah Jabatan Kebudayaan dan Sukan pertubuhan itu telah pun dijalankan dan banyak lagi kegiatan riadah yang akan dilaksanakan tidak lama lagi.

Menurut Setiausaha Agung Pertapis, Encik Hussein Abdullah, "Ini merupakan satu sumbangan kami kepada masyarakat untuk membanteras pengaruh - pengaruh tidak sihat seperti kegiatan dadah dan keruntuhan moral."

"Dengan penyertaan para belia dalam kegiatan - kegiatan riadah dan yang berfaedah, mereka akan dapat menghindar-

kan diri dari kegiatan - kegiatan tidak sihat," katanya.

Sebagai salah satu langkah, Pertapis, katanya, telah membuka satu kelas senitari dan pencak Sunda di bawah Jabatan Kebudayaan dan Sukan.

Kelas tersebut yang sudah mempunyai 40 orang para pemuda mengadakan latihan dua kali seminggu di halaman sebuah rumah di Jalan Mustika, Kaki Bukit.

Latihannya dipimpin oleh seorang instruktur, Encik Shukur Rais, dan para belia yang berminat menyertainya masih boleh datang mendaftar diri.

Encik Hussein menggesa mereka yang berminat supaya datang ke rumah nombor 6 Jalan Mustika pada malam Hari Isnin atau Hari Jumaat.